

KONSEHO TI SIUDAD TI HONOLULU

SIUDAD KEN COUNTY TI HONOLULU

No. 23-239, CD1, FD1

RESOLUSION

PANANGIRUGI ITI AMENDASION ITI REBISADO A KARTA TI SIUDAD KEN COUNTY TI HONOLULU 1973 (NAAMENDARAN 2017 NGA EDISION), KAS NAAMENDARAN, MAIPAPAN ITI PANANGIMANEHAR ITI EMERHENSIA.

YANTANGAY, nakita ti Konseho ti Siudad ("Konseho") a napateg ti akem ti Departamento ti Panangimanehar iti Emerhensia (Department of Emergency Management, "DEM") iti panangsigurado iti kinatalged ken pagsayaatan dagiti Residente ti Siudad ken County ti Honolulu ("Siudad"); ken

YANTANGAY, naikkan ti DEM iti trabaho a mangaramid, mangisagana, ken tumulong iti pannakayimplementar dagiti civil defense plan ken dagiti programa ti Siudad ken panagsagana para kadagiti emerhensia a didigra; ken

YANTANGAY, idi 2007, nadesignaran manen ti Civil Defense Agency ti Siudad kas ti DEM, ken idi 2014, nayetnag ti Seksion 127A-5, Hawaii Revised Statutes ("HRS"), nga agkuna a ti direktor ti panangimanehar iti emerhensia iti kada county ket adda iti sidong ti HRS Kapitulo 76; ken


YANTANGAY, ti HRS Kapitulo 76 ket ti linteg ti serbisio sibil ti Estado ti Hawai'i ("Estado"), nga agaplikar kadagiti empleado ti Estado ken dagiti county-na; ken

YANTANGAY, kuna ti HRS Seksion 76-1 a dagiti posision ti serbisio sibil ket maikkan base iti prinsipio, nga isu ti panagpili kadagiti indibidual sigun iti kualipikasion ken abilidadda para iti empleado ti publiko ken iti panagtalinaed dagiti empleado base iti naipakita a mayanatup a kababalin ken nabunga a panagtrabaho; ken

YANTANGAY, kuna pay ti HRS Seksion 76-1 a daytoy a prinsipio ti pannakaikari ti agbalin a polisia para iti programa a panagbirok iti empleado iti kada county; ken

YANTANGAY, ti panagpili base iti prinsipio ti pannakaikari ramanenna ti di mangidumduma a panagpili kadagiti indibidual nga agserbi iti publiko babaen ti panangsubok iti kinakualipikado a patas, di mangidumduma, ken praktikal; ken

YANTANGAY, saan nga ilista ti HRS ti aniaman a makalikaguman wenco kualipikasion para kadagiti posision ti Direktor ti Panangimanehar iti Emerhensia ti Siudad; ken



KONSEHO TI SIUDAD TI HONOLULU

SIUDAD KEN COUNTY TI HONOLULU

No. 23-239, CD1, FD1

RESOLUSION

YANTANGAY, ti Seksion 2-25.1, Revised Ordinances of Honolulu 2021 ("ROH"), siguraduenna a ti Direktor ti Panangimanehar iti Emerhensia ket adda iti sidong dagiti linteg ti serbisio sibil, ken awan iti babaen wenco manungsungbat iti asinoman a tao wenco departamento maitunos iti depensa sibil ti Estado wenco Siudad malaksid iti Mayor wenco ti Managing Director; ken


YANTANGAY, ti programa ti serbisio sibil ti Siudad ket ipatpatungpal ti Department of Human Resources ("DHR"); ken

YANTANGAY, iti agdama, ilista ti website ti DHR dagiti sumaganad nga aramiden ken responsabilidad para iti espesipikasion ti trabaho ti Direktor ti Panangimanehar iti Emerhensia:

1. Iwanwan, pagtutunosen, ken ipatungpalna dagiti plano, programa, aktibidad, ken operasion ti panangimanehar iti emerhensia ti Department of Emergency Management;
2. Itunosna dagiti aktibidad ken responsabilidad ti panangimanehar iti emerhensia kadagiti aktibidad ken trabaho dagiti gobierno ti Estado ken Federal, ken iti dadduma pay a publiko ken pribado nga organisasion;
3. Ipatungpal ken itunosna dagiti mandato ken programa ti U.S. Department of Homeland Security;
4. Agserbi kas mamalbalakad ti Mayor para iti panangimanehar iti emerhensia ken kadagiti isyu iti seguridad ti pagilian; ken
5. Aramidenna ti dadduma pay a trabaho kas makalikaguman; ken

YANTANGAY, iti agdama, ilista met ti website ti DHR dagiti sumaganad a kualipikasion para iti espesipikasion ti trabaho ti Direktor ti Panangimanehar iti Emerhensia:

1. Ti kombinasion ti edukasion ken kapadasan ket gistay katupag ti panaggraduar iti mabigbigbig a kolehio wenco universidad a nakasentro iti panangimanehar iti negosio wenco publiko wenco iti nainaig a trabaho, ken lima a tawen a responsable a panangimanehar iti gobierno wenco iti dakkel nga organisasion a nainaig iti panangaramid ken panamagtutunos iti dakkel-saklawenna a pang-emerhensia a plano ken operasion a



KONSEHO TI SIUDAD TI HONOLULU

SIUDAD KEN COUNTY TI HONOLULU

No. 23-239, CD1, FD1


RESOLUSION

mayimplementar no adda emerhensia wenco nakaro a didigra, a ti dua kadagita ket panangawanwan iti panangimanhar iti emerhensia wenco kadagiti aktibidad ti seguridad ti pagilian;

2. Tiabilidad a panangala iti Federal a gobierno iti pammalubos iti sekreto wenco klasipikado nga impormasion iti kinatalged ti pagilian sakbay a makompletiona ti pannakaobserbarna;
3. Adda ammona maipapan iti Federal, Estado ken iti lokal a sibil a panangidepensa, panangimanhar iti emerhensia, ken dagiti linteg, ordinansa, operasion, ken panggep a konektado iti seguridad ti pagilian; dagiti prinsipio ken kaugalian iti panagplano, panangorganisar, ken panangimanhar iti programa; organisasion ti Federal, Estado, ken dagiti lokal a gobierno, nangruna iti koneksion wenco epektoda iti panangimanhar iti emerhensia ken kadagiti aktibidad ti seguridad ti pagilian; ken
4. Tiabilidad a manganalisar kadagiti situasion, mangaramid iti nasayaat a desision, ken agtignay a dagus no adda emerhensia; iturongna ti pannakabukel ken pannakamantiner dagiti detalyado a plano ken addang tapno maproteksionan dagiti residente manipud kadagiti peggad wenco didigra; itarusanna dagiti agaplikar a linteg, ordinansa, ken regulasian; pagtutunosenna dagiti aktibidad ti departamento kadagiti aktibidad ti adu a grupo ken organisasion, a pakairamanan ti adu a voluntario; ipasdek ken mantinerenna ti pannakikooperar iti dadduma; agsao a sieepektibi kadagiti miembro ti media ken iti sanguanan dagiti grupo; ken isaganana ti plano, report, ken pannakikomunikar; ken

YANTANGAY, ti Rebisado a Karta ti Siudad ken County ti Honolulu, 1973 (Naamendaran 2017 nga Edision), kas naamendaran ("Karta"), ilistana ti DEM kas maysa nga ahensia a direkta nga adda iti sidong ti Mangimanmanehar a Direktor, ken saanna a tukoyen ti Direktor ti Panangimanhar iti Emerhensia kas maysa a posision iti serbisio sibil nga adda iti sidong ti posision ti DHR nga adda iti sidong ti espesipikasian ken kualifikasian para iti dayta a posision; ken

YANTANGAY, ti update ti Karta ket agparang iti agdama nga istatus ti DEM kas agsolsolo nga ahensia ti City Executive Branch, ken siguraduenna ti amin a posision iti DEM, agraman ti Direktor ken Katulongan a Direktor, ket adda iti sidong dagiti linteg ti serbisio sibil; ken



KONSEHO TI SIUDAD TI HONOLULU

SIUDAD KEN COUNTY TI HONOLULU

No. 23-239, CD1, FD1

RESOLUSION

YANTANGAY, mainaig iti Karta Seksion 15-101, ti Konseho, babaen ti resolucion, mabalin a mangaramid iti amendasion iti Karta; ken

YANTANGAY, mainaig iti Karta Seksion 15-102.1, kasapulan ti aprobasion ti Mayor iti aniaman a pannakaamendar ti Karta nga insingasing ti Konseho iti sapasap nga eleksion iti tawen a "4" wenco "8" ti udina; ngarud


IKEDDENG KOMA ti Konseho ti Siudad ken County ti Honolulu:

1. A ti sumaganad a saludsod ket maikabil iti 2024 a balota ti eleksion:

"Rumbeng kadi a maamendaran ti Rebisado a Karta ti Siudad tapno maipasdek ti Departmento ti Panangimanehar iti Emerhensia kas agsolsolo nga ahensia ti City Executive Branch babaen ti panangdesignar ti Department of Emergency Management iti naisina a kapitulo iti Karta ti Siudad nga umaspingle kadagiti kapitulo a naidesignar iti amin a dadduma pay a departamento ti Siudad; tapno ipasiguradona nga amin a posision iti Departmento ti Panangimanehar iti Emerhensia, agraman ti Direktor ken Katulongan a Direktor-na, ket adda iti sidong dagiti linteg ti serbisio sibil; ken iyespesipikona ti kababaan a kualipikasion para iti posision ti serbisio sibil iti Direktor ti Panangimanehar iti Emerhensia, nga addaan kanayonan a kababaan a kualipikasion maitunos kadagiti linteg ti serbisio sibil?"

2. A ti Seksion 3-122.1, Rebisado a Karta ti Siudad ken County ti Honolulu 1973 (Naamendaran 2017 nga Edision), kas naamendaran, ket naamendaran tapno kastoy ti maipan:

"1. Masapul nga adda agsolsolo a komision para iti sueldo a mangipasdek iti sueldo ti amin a naibotos nga opisial, a pakairamanan ti mayor, miembro ti konseho, ken ti abogado ti estado, ken dagiti sumaganad a naapointaran nga opisial: mangimanmanehar a direktor, katulongan a mangimanmanehar a direktor, ulo ti departamento, katulongan nga ulo ti departamento, ken direktor ti banda[...]; no la ket ti komision para iti sueldo saanna nga ikeddeng ti sueldo dagiti direktor ken katulongan a direktor a naapointaran maitunos kadagiti linteg ti serbisio sibil. Masapul met nga ipasdek ti komision ti iskediul dagiti sueldo dagiti katulongan ti mamalbalakad ti korporasion ken abogado ti estado. Ti komision ket masapul a buklen ti pito a miembro, a masapul nga agserbi iti aginnabut a



KONSEHO TI SIUDAD TI HONOLULU

SIUDAD KEN COUNTY TI HONOLULU

No. 23-239, CD1, FD1

RESOLUSION

termino a lima a tawen ken agingga a maapointaran ken makualipikar dagiti sumukat kadakuada. Dagiti inisial a naapointaran ket mangrugi saan a naladladaw ngem Enero 15, 1993, ken maitunos iti sumaganad:

- | | | |
|-----|--|---------------|
| (1) | Dua a miembro, maysa nga inapointaran ti mayor ken maysa nga inapointaran ti mayor ken maysa nga inapointaran ti konseho | Dua a tawen |
| (2) | Dua a miembro, maysa nga inapointaran ti mayor ken maysa nga inapointaran ti mayor ken maysa nga inapointaran ti konseho | Tallo a tawen |
| (3) | Dua a miembro, maysa nga inapointaran ti mayor ken maysa nga inapointaran ti mayor ken maysa nga inapointaran ti konseho | Uppat a tawen |
| (4) | Maysa a miembro nga inapointaran ti mayor ken kinompirmar ti konseho | Lima a tawen |


Kada sumaruno a maapointaran ket para iti panagngudo ti termino a lima a tawen manipud iti petsa ti panagpaso ti termino nga iti dayta a naapointaran ti sumukat. Masapul a mangpili ti komision iti tserman manipud kadagiti miembrona ket agtignay ti komision babaen ti botos ti kaaduan a miembrona. Aniaman a bakante ket malitupan babaen ti pamay-an a pannakapili ti oriinal a naapointaran."

3. A ti Seksion 6-103, Rebisado a Karta ti Siudad ken County ti Honolulu 1973 (Naamendaran 2017 nga Edision), kas naamendaran, ket nasuktan.

[~~"Seksion 6-103. Departamento ti Panangimanehar iti Emerhensia—~~

~~Masapul nga adda departamento ti panangimanehar iti emerhensia nga idauluan ti maysa a direktor ti panangimanehar iti emerhensia nga apointaran ken mabalin nga ikkaten ti mayor maitunos iti linteg. Ti direktor ti panangimanehar iti emerhensia masapul a:~~

- ~~(a) Mangaramid, mangisagana kén, no adda didigra wenno emerhensia, tumulong iti pannakay implementar dagiti plano ken programa a panangidepensa iti publiko tapno maprotektaran ken~~



KONSEHO TI SIUDAD TI HONOLULU

SIUDAD KEN COUNTY TI HONOLULU

No. 23-239, CD1, FD1

RESOLUSION


maitandudo ti salun-at ti publiko, kinatalged ken pagsayaatan dagiti umili ti siudad.

- (b) ~~Itunosna ti panangidepensa iti publiko ken dagiti aktibidad ken trabaho ti siudad iti panagsagana para iti emerhensia kadagiti aktibidad ken akem ti estado ken federal a gobienro ken dadduma pay a publiko wenne pribado nga organisacion para iti panangidepensa iti publiko iti uneg ti estado.]~~
4. A ti Seksion 6-104, Rebisado a Karta ti Siudad ken County ti Honolulu 1973 (Naamendaran 2017 nga Edision), kas naamendaran, ket nasuktan.
["~~Seksion 6-104. Pang-umili a Komision ti Panangbalakad Para iti Panangimanehar iti Emerhensia –~~
- ~~Masapul nga adda pang-umili a komision ti panangbalakad para iti panangimanehar iti emerhensia a buklen ti lima a miembro. Mangted ti komision iti balakad iti mayor, konseho, ken iti direktor ti panangimanehar iti emerhensia mainaig iti panangimanehar iti emerhensia, ken tapno maitandudo ti pannakaawat ken interes ti publiko iti kasta a bamanag. Ti komision ket masapul a maidaulan sigun iti Seksion 13-103 daytoy a karta.~~"]
5. A ti Seksion 6-1103, Rebisado a Karta ti Siudad ken County ti Honolulu 1973 (Naamendaran 2017 nga Edision), kas naamendaran, ket naamendaran tapno kastoy ti maipan:

"Seksion 6-1103. Eksemision iti Serbisio Sibil ken Ehekutibo a Sangay –

Dagiti probision daytoy a kapitulo [~~ti-karta~~] ket masapul nga agaplikar iti amin a posision iti serbisio ti ehekutibo a sangay. Agaplikar daytoy a seksion kadagiti medio-agbukbukod nga ahensia a kasla tay departamentoda ti ehekutibo a sangay. Dagiti sumaganad a posision ket masapul a maeksemtar kadagiti probision daytoy a kapitulo [~~ti-karta~~]:

- (a) ~~Ti posision dagiti opisial nga imbotos ti publiko; ti posision dagiti ulo ti departamento, malaksid iti direktor ti panangimanehar iti emerhensia; ti posision ti direktor ti banda ti Royal Hawaiian Band; ti posision ti panguluen ti panagpabalay; ti posision ti manedyer ken chief engineer ti board ti suplay ti danum; ti panguluen para iti~~



KONSEHO TI SIUDAD TI HONOLULU


SIUDAD KEN COUNTY TI HONOLULU

No. 23-239, CD1, FD1

RESOLUSION

panagbaliw ti klima, panangsustento ken panangsango iti karit; ti panguluen para iti panangpatibker iti ekonomia; ken ti manedyer ti aniaman a medio-agbukbukod nga ahensia nga inaramid ti ordinansa.

- (b) Dagiti posision iti opisina ti mayor, ngem dagiti kasta a posision ket mairaman iti plano a panangklasipikar iti posision. Dagiti empleado ti ~~ahensia ti sibil a panangidepensa ken~~ Royal Hawaiian Band, malaksid pay ti direktor ti banda, ket saan a maeksemtar iti serbisio sibil.
- (c) Ti posision dagiti katulongan ti parabalakad ti korporasion, dagiti katulongan ken dagiti asistant nga administratibo wenco ehekutibo ti abogado ti gobierno ken dagiti clerk ti linteg.
- (d) Ti posision dagiti miembro ti aniaman a board, komision wenco katupag a bagi.
- (e) Temporario a posision nga ok-okuparan dagiti estudiante.
- (f) Dagiti personal a serbisio a naala babaen ti kontrata nga iti dayta a pinatalgedan ti direktor nga espesial wenco nagpaiduma ti serbisio, a napateg iti interes ti publiko ken, gapu iti sirkumstansia iti aglawlaw ti pannakaitungpalna, dagiti empleado a mangaramid iti kasta a serbisio ket saan a maala babaen ti normal a pamay-an ti panagbirok iti empleado. Aniaman a kasta a kontrata ket mabalin a para iti aniaman a periodo a saan a lumbes iti maysa a tawen.
- (g) Dagiti temporario a serbisio personal a kasapulan iti interes ti publiko a ti panagkasapulan iti kasta ket saan a lumbes iti maysa a tawen, ngem sakbay a mayempleo ti asinoman tapno aramidenna ti kasta a temporario a serbisio, ti direktor ti panagbirok iti empleado masapul a patalgedanna a ti serbisio ket saan a temporario ken saan a maaramid ti panagbirok iti empleado babaen ti normal a panagbirok para iti serbisio sibil.
- (h) Dagiti temporario a serbisio a naaramid nga addaan bayad, kontrata wenco signu itiabilidad babaen kadagiti individual a mabalin a legal a mangaramid iti pagrebbenganda a kagiddan ti



KONSEHO TI SIUDAD TI HONOLULU

SIUDAD KEN COUNTY TI HONOLULU


No. 23-239, CD1, FD1

RESOLUSION

pribado a negocio weno propesionda weno dadduma pay a pribado a trabahoda, no adda, ken agkasapulan laeng iti bassit a tiempo dagiti pagrebbenganda, nga iti dayta saan a matantia weno antisiparan ti paset ti tiempo a maipaay iti serbisio iti siudad ken no kaano a ti kasta ket patalgedan ti direktor ti panagbirok iti empleado.

- (i) Dagiti posisio ti maysa nga umuna a katulongan; ken para iti departamento ti polis maysa a kanayonan a katulongan; pribado a sekretario dagiti ulo dagiti departamento ken dagiti katulonganda ken iti panguluen iti panagpabalay; ken ti posision a direktor a mangimanehar, maysa nga umuna a katulongan ken dagiti pribado a sekretario ti tunggal maysa; ngem ti posision dagiti pribado a sekretario ket mairaman iti plano a panangklasipikar iti posision. Ti umuna a katulongan iti departamento ti panagbirok iti empleado[.] ken ti umuna a katulongan iti departamento a panangimanehar iti emerhensia, nupay kasta, ket saan a maeksemtar iti serbisio sibil.
- (j) Dagiti posision weno serbisio personal kadagiti programa ti demostrasion ken nagtipon a partisipasion ken dagiti espesial a proyekto agpaay iti komunidad; no la ketdi dagiti kasta nga eksemision ket kalikaguman ti linteg federal weno paglintegan ken regulasion sa maitunos kadagiti addang nga impasdek ti ordinansa.
- (k) Dagiti sumaganad a posision iti ahensia ti pang-publiko a transportasion:
 - (1) Ti panguluen a direktor, ti/dagiti katulongan a direktor, dagiti pribado a sekretario iti panguluen a direktor ken iti/kadagiti katulongan a direktor; ken
 - (2) Dagiti posision a pinatalgedan ti direktor ti panagbirok iti empleado nga agkasapulan iti espesipiko a pannakaammo ken kapadasan iti panagplano, panangaramid, operasion, panangmantiner, ken panangimanehar iti automatiko a tren, weno pagtrabahuan nga asideg ti transportasion;

no la ketdi, malaksid kadagiti posision a pribado a sekretario, dagiti kasta a posision ket saan a mairaman iti plano a panangklasipikar



KONSEHO TI SIUDAD TI HONOLULU

SIUDAD KEN COUNTY TI HONOLULU

No. 23-239, CD1, FD1

RESOLUSION

iti posision ken sueldo para iti kakasta a posision ket masapul nga ikeddeng ti ahensia ti publiko a transportasion.

- (l) Dagiti posision iti komision ti arak iti administrador ti arak ken ti katulongan ti administrador ti arak, ngem ti kakasta a posision ket masapul a saan a mairaman iti plano a panangklasipikar iti posision.
- (m) Dagiti posision iti komision ti etika.

Ti direktor ti panagbirok iti empleado masapul nga ikeddengna ti panagaplikar daytoy a seksion iti karta para iti espesipiko a pagtrabahuan wenco serbisio iti ehekutibo a sangay."

6. A ti Artikulo VI, Rebisado a Karta ti Siudad ken County ti Honolulu 1973 (Naamendaran 2017 nga Edision), kas naamendaran, ket naamendaran babaen ti panangnayon iti baro a Kapitulo 19 tapno kastoy ti maipan:

"KAPITULO 19 - DEPARTMENTO TI PANANGIMANEHAR ITI EMERHENSIA


Sekcion 6-1901. Pannakaorganisar –

Adda koma departmento ti panangimanehar iti emerhensia nga idauluan ti direktor ti panangimanehar iti emerhensia, a sumurot iti linlinteg ti serbisio sibil, ken inapointaran ken mabalin nga ikkaten ti mayor maitunos iti linteg.

Sekcion 6-1902. Direktor ti Panangimanehar iti Emerhensia, Kualipikasion –

Ti direktor ti panangimanehar iti emerhensia masapul nga:

- (a) Addaan iti minimum a lima a tawen iti responsable a panangimanehar iti emerhensia, panagplano para iti didigra, wenco panangimanehar kadagiti serbisio iti kinatalged ti publiko, a ti di kumurang a dua a tawen dayta ket masapul a karaman ti panangiwanwan iti panangimanehar iti emerhensia wenco kadagiti aktibidad ti seguridad ti pagilian, wenco agpada; ken



KONSEHO TI SIUDAD TI HONOLULU

SIUDAD KEN COUNTY TI HONOLULU

No. 23-239, CD1, FD1


RESOLUSION

- (b) Addaan iti kanayonan a minimum a kualipikasion nga inkeddeng ti departamento ti panagbirok iti empleado para iti direktor ti panangimanehar iti emerhensia iti espisipikasion ti trabaho, maitunos iti Seksion 6-1109.

Sekcion 6-1903. Direktor ti Panangimanehar iti Emerhensia, Pannakabalin, Responsabilidad, Trabaho –

Ti direktor ti panangimanehar iti emerhensia masapul nga:

- (a) Mangaramid, mantineren, ken iyimplementarna dagiti plano iti panangimanehar iti emerhensia para iti siudad tapno agsagana, palag-anen, ken makabangon manipud kadagiti emerhensia ken didigra.
- (b) Itunosna dagiti aktibidad ken trabaho ti panangimanehar iti emerhensia iti uneg ti siudad kadagiti aktibidad ken trabaho ti estado ken federal a gobierno, ken iti dadduma pay a publiko wenco pribado nga organisacion para iti panangimanehar iti emerhensia.
- (c) Idesignarna ti responsabilidad a panangidaulo ken suporta kadagiti ahensia ti siudad ken dagiti empleado para iti panangimanehar iti emerhensia.
- (d) Iyimplementarna dagiti programa a panangsanay tapno sumayaat ti abilidad dagiti ahensia ken empleado ti siudad a mangimanehar iti emerhensia.
- (e) Ipaayna ti publiko nga impormasian ken pangedukar a programa a konektado iti panagsagana para iti emerhensia ken didigra.
- (f) Aramidenna ti dadduma pay a responsabilidad kas kalikaguman ti linteg.



KONSEHO TI SIUDAD TI HONOLULU

SIUDAD KEN COUNTY TI HONOLULU

No. 23-239, CD1, FD1

RESOLUSION

Sekcion 6-1904. Pang-umili a Komision ti Panangbalakad Para iti Panangimanehar iti Emerhensia –

Masapul nga adda pang-umili a komision ti panangbalakad maipapan iti panangimanehar iti emerhensia a buklen ti lima a miembro. Mangted ti komision iti balakad iti mayor, konseho, ken iti direktor ti panangimanehar iti emerhensia mainaig iti panangimanehar iti emerhensia, ken tapno maitandudo ti pannakaawat ken interes ti publiko iti kasta a bambanag. Ti komision ket masapul a maidauluan signun iti Sekcion 13-103.


7. A ti Artikulo XVI ti Rebisado a Karta ti Siudad ken County ti Honolulu i1973 (Naamendaran 2017 nga Edision), kas naamendaran, ket naamendaran babaen ti panangnayon iti baro a seksion a maitutop nga idesignar ti Pararebisar iti Karta ken kastoy ti maipan:

"Sekcion 16- . Dagiti Probision iti Transision Maipapan iti Direktor ti Panangimanehar iti Emerhensia –

Ti 2024 nga amendasion ti karta a naaramid iti Artikulo VI, Kapitulo 19, ket saanna a maapektaran ti termino ti asinoman nga agdama a direktor ti panangimanehar iti emerhensia nga agserbi inton Enero 1, 2025. Malaksid no bakanteanna ti posision iti mabiit a tiempo, ti agdama nga opisial ti agtugaw iti posision agingga a bakantean ti agdama nga opisial ti posisionna."

8. A ti Seksion 2, 3, 4, 5, ken 7 daytoy a resolucion, ti material ti Karta a masuktan ket naibraket sa nakurusan ken naugedan ti baba ti baro a material ti Karta. No rebisaren, urnosen, wenco iyimprenta dagitoy a probision ti Karta tapno mainayon iti Rebisado a Karta ti Siudad ken County ti Honolulu 1973 (Naamendaran 2017 nga Edision), kas naamendaran, ti Pararebisar ti Karta saanna a masapul nga iraman dagiti braket, ti material a naibraket ken nakurusan, wenco naugedan iti baba.
9. A ti Pararebisar ti Karta, iti panangrebisar, panangurnos, wenco panangyimprentana iti Karta, mabalinna a baliwan ti kapitalisation wenco forma dagiti numero ken gatad ti kuarta tapno agpapada ti langada.

No naamendaran dagiti probision ti Karta a maitunos iti daytoy a resolucion ket amendaran ti aniaman a sabali pay nga amendasion ti Karta nga inaprobaran



KONSEHO TI SIUDAD TI HONOLULU


SIUDAD KEN COUNTY TI HONOLULU

No. 23-239, CD1, FD1

RESOLUSION

dagiti agbotos iti 2024 a sapasap nga eleksion, ti Pararebisar ti Karta, iti panangrebisar, panangurnos, wenco panangyimprentana iti Karta:

- a. Mabalinna nga idesignar wenco baliwan nga idesignar dagiti artikulo, kapitulo, seksion, wenco paspaset ti seksion, sa urnosenna dagiti reperensia iti dayta; ken
 - b. Masapul, malaksid no nalawag a naipaay iti daytoy a resolucion wenco iti sabali a resolucion a mangamendar kadagitoy a probision ti Karta, nga ipatungpalna, agingga a posible, ti amin nga amendasion a naaprobaran.
10. Nga apaman a daytoy a resolucion ket adaptaren ti Konseho ti Siudad ken County ti Honolulu ken inaprobaran ti Mayor, maibilin iti Clerk ti Siudad nga:
- a. Isaganana dagiti nasken a balota nga addaan iti saludsod a linaon daytoy a resolucion ken addaan iti espasion para iti botos a "wen" wenco "saan" iti saludsod a maipresenta kadagiti agpili iti 2024 a sapasap nga eleksion. Ti Clerk ti Siudad mabalinna ti mangaramid iti teknikal ken nonsubstantive a panangbaliw iti porma ti saludsod ti saludsod a naipresenta tapno tumunos iti porma ti dadduma pay a saludsod iti pannakaamendar ti Karta a naipresenta kadagiti agpili iti isu met laeng nga eleksion; ken
 - b. Ipablaakna ti intero a dagiti naisingasing-iti-ngato nga amendasion ti Karta iti pang-inaldaw a newspaper a maiwarwasas iti publiko iti Siudad ken County ti Honolulu di nakurkurang ngem 45 aldaw sakbay ti panangisumitirda kadagiti agpili iti 2024 a sapasap nga eleksion.



KONSEHO TI SIUDAD TI HONOLULU

SIUDAD KEN COUNTY TI HONOLULU

No. 23-239, CD1, FD1

RESOLUSION

11. Nga apaman a maaprobaran ti saludsod iti pannakaamendar ti Karta a naikabil iti Seksion 1 daytoy a resolucion babaen ti kaaduan kadagiti agpili nga agbotos, kas opisial a napatalgedan, dagiti amendasion ti Karta nga insingasing daytoy a resolucion ket masapul nga agepektu inton Enero 1, 2025.

IMPRESENTAR NI:

Matt Weyer

Tommy Waters

PETSA A NAIPRESENTAR:

Septiembre 27, 2023

Honolulu, Hawai'i

Miembro ti konseho

APROBADO iti daytoy nga aldaw ti _____, 20 ____.

RICK BLANGIARDI, Mayor
Siudad ken County ti Honolulu